

Syllabus za kurs Španski jezik za početnike– A1.1 nivo

Podaci o predavačici

Ime i prezime: Manjana Kavazović
E-mail adresa: manjana.kavazovic@gmail.com

Biografija predavača/ice:

Manjana Kavazović rođena je 21. 1. 1999. godine u Sarajevu. Magistirala je Italijanski jezik i književnost na Filozofskom fakultetu u Sarajevu 2023. godine. Tokom studija je još učila španski jezik do nivoa B2, a ima i iskustva u prevođenju te predavanju oba ova jezika. Predavala je španski jezik na OAK akademiji, davala privatne časove oba jezika, a trenutno drži kurseve španskog i italijanskog jezika u ACADEMY 387.

Osim jezicima bavi se još umjetnošću i kreativnim pisanjem, već je napisala jednu knjigu te objavila nekoliko poetskih radova, a vodi i online shop za nakit.

LinkedIn profil: <https://www.linkedin.com/in/manjana-kavazovi%C4%87/>

Opće informacije o kursu:

Ako ste zaljubljenici u španski jezik i kulturu, ovaj kurs je savršen za vas!

Opis kursa:

Kurs španskog jezika A1.1 predviđen je za sve one koji žele početi učiti ovaj jezik, ali imaju malo ili nimalo predznanja. Kreće se od samih osnova jezika, abecede te pravila pisanja i čitanja. Na svakom susretu se obrađuje jedna nova didaktička cjelina, a svaka će polaznicima pružiti dobru gramatičku podlogu za učenje španskog jezika. Već od prvog časa polaznici će se ohrabrivati da govore na španskom uz pomoć predavačice, a tokom kursa izmjenjivat će se vježbe konverzacije, pisanja, čitanja kao i zadaci iz gramatike.

Svaka gramatička cjelina bit će obrađena tako da se pređeno gradivo i usvojeno znanje može primijeniti u stvarnim životnim situacijama, što će pomoći polaznicima da progovore jezik.

Aktivnosti tokom kursa će također obuhvatiti sve četiri lingvističke vještine: pisanje, čitanje, slušanje te govor na nivou A1.

Očekivanja i ciljevi:

Po završetku kursa polaznici će biti u stanju razumjeti i koristiti određene svakodnevne izraze u španskom jeziku te konstruisati jednostavne rečenice i fraze koristeći osnovni vokabular.

Ovaj kurs će vam dati elementarna znanja za snalaženje u određenim situacijama. Moći ćete se predstaviti, pozdraviti, reći nešto o sebi i o svojoj porodici te izraziti slaganje/neslaganje.

Polaznici će tako razviti kompetencije čitanja, pisanja, govora i slušanja na nivou A1.1 te dobiti gramatičke osnove potrebne za nastavak učenja španskog jezika, odnosno za A1.2 nivo.

Cilj ovog kursa je također prenijeti entuzijazam koji će potaknuti polaznike da nastave učiti španski jezik.

Materijali/oprema neophodna za kurs:

Neophodni materijali/oprema: 3 knjige koje će polaznici dobiti u digitalnom formatu na početku kursa

Poželjni materijali/oprema: sveska i olovka

Trajanje kursa:

6 sedmica

Broj sati/časova:

Kurs traje 24 školska časa i održava se utorkom i četvrtkom, u blokovima od dva časa (90 min) u terminu od 17:30 h do 19:00 h.

Raspored tema:

Sedmica 1	Predstavljanje, Abeceda, Rod i broj imenica, Članovi
Sedmica 2	Glagoli SER i ESTAR, Lične zamjenice, Pridjevi, Boje, Nacionalnosti
Sedmica 3	Glagoli TENER i HABER, Članovi porodice, Sažimanje članova
Sedmica 4	Mjeseci, Godišnja doba, Dani u sedmici, Vrijeme, Glavni brojevi, Sati
Sedmica 5	Pravilni glagoli -AR, -ER, -IR u prezentu,
Sedmica 6	Ponavljjanje gradiva,Autoevaluacija

Dodatne informacije i resursi?